



UNIVERSITÄTS-
BIBLIOTHEK
PADERBORN

Synopsis Annalium Societatis Jesu In Lusitania

Francus, Antonius

Augustæ-Vindelicorum, M. DCC XXVI.

Annus 1664. Soc. 125.

[urn:nbn:de:hbz:466:1-72313](https://nbn-resolving.org/urn:nbn:de:hbz:466:1-72313)

Annus 1664. Soc. 125.

Mortur P.
Goswinus
Generalis,

Mortis imago superiore anno postremum nobis observata adhuc animo hæret. Romæ 31. Julii octogenario major venerabilis P. Goswinus Nickel Præpositus Generalis ad illud divinum animorum concilium, cœtümque profectus est. Ab anno 1652. rexit Societatem summâ virtute, & prudentiâ. Ejus industriâ debemus Venetæ ditioni, unde quondam ob causas satis notas ejecta fuerat, Societatem nostram restitutam. Post ejus mortem cepit Joannes Paulus Oliva esse, ac dici Præpositus Generalis.

Mors P. Fran-
cisci Ariæ.

2. In domicilio tironum Ulyssipone 11. Novembris vitâ, & communis spiritu frui desit vir exquisitâ virtutis Franciscus Arias. Exortus est Amieiz in Prioratu Cratensi. Venit in religionem nostram Conimbricâ sub finem curricula Philosophici. Diligens fuit in exercendis Societatis nostræ ministeriis. Sed tandem affectus oculorum cæcitate magnam, aut majorem vitæ partem egit apud tirones Ulyssipone. Per id tempus libellos plurimos composuit de rebus asceticis, utens ad scribendum tironum manibus; hósque ad piorum utilitatem dedit in lucem.

3. Quia suspiciebatur ejus virtus Ulyssipone, multus ad eum fiebat Nobilium concursus, ut per confessionem explicarent apud illius aures conscientiam. Fervidas de moribus habuit exhortationes in templo. Sæpe, ut has audirent, veniebant Bartholomæus Quentalius cum suis in schola virtutis discipulis. Hic ille est, qui postea Ulyssipone sive instituit, sive introduxit Congregationem Oratorii multo animarum bono.

4. Non erat religiosa virtus, quæ non splenderet in Francisco fulgentissimo lumine. Antelucano tempore duas, trêsvé horas orationi impendebat, priusquam daret initium, seriebat longâ verberatione corpus suum. Quotidie per homologesum eluit animam, & sacrosancto pane refecit. Ante festum undecim millium Virginum mense integro solitus obire S. P. Ignatii exercitia; eo tempore semel tantum in die capiebat cibos, hi erant frusta panis bis cocti cum frigida: uvarum, & pomorum abstinens: super nudis tabulis somnum capere compertum est.

Obit P. Fran-
ciscus Tavora.

5. In Domo Professa Ulyssiponensi P. Franciscus Tavora Lamecensis, præter alia munera, quæ jussu Majorum exercuit, Assistens fuit Lusitania. Finito Magistratu venit Ulyssiponem, ut præset domui Professorum. Scrupulis adeo fuit exagitatus, ut singulis diebus horâ dimidiâ exponeret Confessario conscientiam. Comis adversus omnes, & multæ charitatis. Cum in factis, tum in verbis ejus multa apparebat virtus.

P. Benedictus
Sequeira.

6. Eboræ P. Benedictus Sequeira 20. Junii, natus Arronchii in Portalegriensi dicecesi, diversa rexit Collegia, & tandem creatus Provincialis Transaganae Provinciae. Gratosum reddebant prudentia, & multa affabilitas erga subditos. Magni factus ab Theodosio, & Joanne Ducibus Brigantinis. Detractionem præsens non tolerabat, dicens, esse humani commercii pestem, & venenum. Secreti supra, quàm dici potest, observantissimus. Ad sacras conciones peculiare illi talentum, quod otiosum non permisit. Plenus meritis obivit propè octogenarius.

P. Joannes
Cota.

7. Mense Augusto Portalegræ P. Joannes Costa Odemirensis. Romæ Theologiæ studiis impendit operam. Eximio pollebat ingenio, sed magis religiosâ virtute. Tradebat morales scientias, jam destinatus ad Philosophiam edocendam Eboræ, cum est oblata piæ mortis causa. Perniciosæ febres dominabantur in urbis Xenodochio, non passus est Joannes suam charitatem otiosam: ivit frequenter miseris auxilio, donec hæsit illi febris mortifera.

8. Co-

8. Conimbricæ 25. Septembris P. Antonius Bandeira. Societati ibidem adjunctus fuerat, cum absolutis scientiarum studiis numerabatur inter Academicos cathedrarum Candidatos. Spes omnes abiecit, ut Christi contemptum indueret. Ad sacras missiones videbatur factus; lacrymas habuit in potestate. Impulsurus ad peccatorum dolorem auditores, prius ubertim flebat. Quò veller, adstantium versabat animos. Sæpe oppressus, quâ multum laboravit, podagrâ, inter aliorum manus conscendebat sacrum suggestum, & ubi incalcescebat, videbatur cessare morbi acrimonia. Exornavit cæteras dotes modestia cunctis spectanda.

9. Ibidem 15. Septembris nonagenario major Petrus Nunius Coadjutor temporalis. Egit annis plurimis lanæ supellectilis Præfectum. Quod suppetebat tempus, sanctis commentationibus dedit, aut piis libris legendis. Rogabat impensè DEum, de hoc proficisci mundo sine morbo diuturno, ne sociis servituri esset molestiæ. Morem petenti gessit misericors DEus. Namque Angelorum recreatus pane in cubiculum se conferens, paulò post inventus est mortuus in scabello sedens dormienti similis.

10. Qui aggressi sunt navigationem Indicam, vento resistente, coacti sunt Ulyssiponem repetere. Brasiliam P. Jacobus Rolandus Belga, & P. Matthæus Moura Lusitanus tenuerunt. Moura, cum hæc scribuntur, adhuc inter vivos est: illic egit Provinciale.

11. Eboræ fuit in templo nostro erecta Sodalitas S. Francisci Xaverii, in cuius albo sunt scripti præter sæculares nobiles plurimi Religiosi diversorum ordinum. Præfectus esse voluit Comes Vimiosus. Ad hos sodales pertinet celebrare novennam Sancti mense Martio ante diem ipsius sacre apotheosis. Per eos dies concurrunt urbs tota ad nostrum templum, ubi vespertino tempore divinum ferulum exponitur. Vincentius Amadus templi maximi Canonicus D. Xaverio addictissimus, nostris diebus reliquit annuos reditus pro alendis cereis magno numero arsuris, quamdiu in throno sacer panis intra novennam proponitur adorandus.

12. In eodem Collegio exornatum est valetudinarii sacellum tum picturis, tum Sanctorum ipsanis eleganter exornatis. Dicatur D. Xaverio. In ejus ara colimus sanctam effigiem divi Josephi, qui in ea loquebatur familiariter cum P. Ludovico Diasio Serpens, ut ejus sunt testati Confessarii, & nos suo loco scribemus. Habet sacellum redditum quinque scutorum: ea ipsi singulis annis donanda reliquit P. Emmanuel Lima.

13. Ibidem ad tam ampli Collegii solatium venerabilis Eucharistia posita est in sacello Virginis à Conceptione. Id sacellum annuo reditu dotavit emprâ villâ P. Emmanuel Correa domo Angolanus, in Eboresi Academia primarius Theologiæ Professor, postea Provincialis, & Assistent Romæ; ubi vitâ functus. Multas & pretiosissimas inde ad hoc sacellum reliquias miserat, capsis argenteis artificiosè elaboratis inclusas, plurimam vestem sacram, & frontalia, ut vocant, ex aurea textura facta.

Annus 1665. Soc. 126.

Mense Martio in unam Provinciam redegit Transtaganam, & Lusitanam Adm. R. P. Generalis. Regebat Lusitanam P. Ludovicus Lopus, Transtaganam P. Antonius Barradius, quòd hic esset senior, justus est agere Provinciale, Lopus Rectorem Conimbricensem. Id in tanta mutatione laudandum, quòd summâ pace gravissimum negotium sit transactum: nulla turbæ, nulla querelæ, aut partium clamores auditi. Æquis animis paruerunt omnes sanctæ obedientiæ placitis.

2. Patres Petrus Amaralius, & Antonius Almeida tempore magni jejunii, rogante Capitulo sedis vacantis, Leiriam excolebant. P. Amaralius jam Antonius Franco.

U u

anno